

Caluinischer Sendtbrief

157

An die Lutherischen.

Darinnen neben geführter Klag vber dem bis-
her vorgelauffenen Unglück / dieselben erinnert werden / daß
sie vber den schlechten verichten der Dännemärckischen Armee
nit sollen kleinmütig werden / sondern noch das eusserst dran
setzen / vnd der Besserung hoffen.

Lieber Leser ließ du mich /
Die rechte Wahrheit sag ich /
Gegangen ist es anders nicht /
Als wie du hie hast ein Bericht /
Was Teutschlandt bissher hat verderbt /
Das ist von Caluinistn geerbt.



Gedruckt außser Bremen /
Vnd des Nieder Sächsischen Kreyses Boden.

Im Jahr des HErrn /

1 6 2 7.

[Faint, illegible text, likely bleed-through from the reverse side of the page]



Caluinischer Consorten Erinnerung an die
Lutherischen / daß sie vber dem schlechten verichten der
Dennemärckischen Armee nicht sollen kleinmütig werden /
sondern das eusserste noch dran setzen / vnd der Besserung
hoffen.

Hr der Evangelischen vñ Lutherischen
Kirchen / wie ihr euch gern nennen lasset / vn-
geachtet daß wir bisher hart darwider gewes-
sen seynd / vnseren nach jehigen Läuften / vñnd
auff eine Zeitlang / biß es besser mit vnß wird /
Interims weise liebe Brüder / vñnd gute
Freund / in was steiffer Hoffnung vñnd hohem
Vertrauen wir bisher haben gelebt / vnser zerfallen Reich / so
durch das Bömische vnwesen / vñnd darauff erfolgete stattliche Vi-
ctorien des Kayfers vñnd der Papisten biß dato in ein zimlich abne-
men gerathen / vñnd sehr schwach worden / widerumb auff die Bein
gerichtet zusehen / vñnd in flore zubefinden / das habt ihr ohne zweif-
fel auß vnsern bisher ergangnen Attentatis so vieler außgerüste-
ter Armaden / deßgleichen auß der steiffen Beständigkeit vormals
Königlicher Mayestat in Böhmen / auch Pfalzgraffens vñnd
Churfürstens am Rhein / jeso aber vñnd etliche Jahr nun mehr ver-
drubenen Prinzens / 2c. Dabey er dem Kayser vñnd den Papisten
zufusse zu fallen / vñnd zu depreciren noch nit gesinnet / ferner dann
auch auß den publicirten Discursen / spargirten neuen Zeitungen
vñnd Auisen / so wol auß dem mündlichen Aufschneiden / Praliren
vñnd rühmen / deren vns zugethanen / theils heimlich / theils auch
offentlich vñnder euch steckenden / guter massen können vermerckē /
es were dann / daß ihr als Stockfische / wie mann euch sonst
Schuld gibt / vngeblawet nicht hettet wollen gut thun / vñnd ewre
füñff Sinn recht brauchen.

Caluini-
sche Bru-
derschafft.

Derselben
starcke
Hoffnung.

Groß rüh-
men vñnd
pralen.

Lutheri-
sche Stock-
fische.

Vñnd ob schon vns bishero vmb ein zimliches hat gefellet / vñnd
mehr den an einem Geometrischen Scheitte gemangelt / was wir

Neu Mo-
del des
Reichs.

zur sieben vnd mehr Jahren zur ein Satz vnd Werck angefangen/
mitten auß dem Centro/wie man heutiges Tages die Niderländis-
schen Festungen anlegt/ vnd auß der rechten Harmonia des Cal-
vinischen Models/tieffsinniger weiß herzuführen/ vnd formam
Regiminis Imperialis zuuerendern/ da wir vns den fürnemblich
fundirt auff folgende drey presupposita/ vnd starcke Einbildungē.

Einbildun-
gen der
Caluinistē

1. Das nun mehr das Haus Oesterreich zu seinem Termino
Fatali kommen were/ vnd ruinirt werden müste. 2. Dargegen
das Haupt des Churpfälzischen Hauses/ als vnserer Religion in
Teutschen Landen fürnembsten Patrons Defensorn vnd Propa-
gatorn im höchsten steigen were. 3. Der Papst vnd das ganze
Catholische/ Jesuitische Geschmeiß auß vnsern Landen aller seits

Dessen sie
keinen
Grundt ge-
habt.

müste bannirt vnd verdrieben werden: Da doch das erste/ von
Gott dem Allmächtigen/ob ers also beschlossen/ vnd niemals of-
fenbart/das ander auch nie kundt gemacht worden/ auß der Him-
lischen Canselen/ das dritte aber mit dem teweren vnd hoch ver-
pentē Religions vñ Prophan Friedens sich nit vergleichen wollen:
Darzu vns dann fast Niemandt so sehr gebracht vnd gereizt/ als
neben etliche vnserer spissfindigen Theologen/ vnd Practicirischē
Politischen Köpffen die ewre Nagel neue Meisterische Calender
Propheten/vnd Gestirns Weissager: So aber nun mehr ganz
vnd gar Krebsgänglich worden/ vnd aller dings sich hat umbges
lehrt/also vnd der gestalt/welches dann höchlich zubetawren/ zus
beseuffzen vnd zubeklagen ist / daß zuförderst das Haus Oestera
reich niemals höher gestigen/vnd durch gefürte Kriege auff Teuts
schen Boden weiter kommen/als eben zu jeziger Zeit / hergegen
Pfalz zum tieffsten gefallen/vnd degradirt/ vndertruckt vnd umb
das seine gebracht worden. Der Papst auch mit den seinen nit als
tein steiff sitzen blieben/ sondern auch anlaß bekommen/ in das vor-
rige Nest/darauff er vor 70. Jahren verdrieben/ wider ein zunis
keln.

Derwegē
auch alles
Krebsgän-
gisch oder
Retro gra-
disch wor-
den.

Vnd die
meiste
Hoffnung

Dardurch vns dann der größte Theil vnserer geschöpfften
Hoffnung ist in Brunn gefallen/vnd mehr daran eingangen/ als
an

an dem außgestreckten Tuche zugeschehen pflegt. Haben also müssen erfahren/das der Eventus mit der länge zu vorn gepflogenen Consiliis nit hat wollen eintreffen / wie sehr wir auch drauff gebawt/vnd zimlich trozig dabey zu werden haben angefangen.

verschwinden.

Doch vns auch nit viel dran kehrent / viel weniger für eine wolverdiente Straffe Gottes erkennende haben wir lenger dann fürm Jahre gleich als von newens angefangen / Schlösser in die Luft zubawen / vnd vnser ganzes datum zusehen auff die stattelich Kriegs Præparation der Königl. May. zu Dennemarck 2c. fürs genommen vnder dem Schein vnnnd prætext der Defension des wider Sächsischen Kreyses/denselben für feindseligen Einfall/vnd Landt verderblichen ein quartirungen zubeschützen. Da vns doch viel ein anders bewust/vnd alle vnser Bemühung dahin angesehen gewesen/wie die Catholischen vnder solchem scheinbaren fürs geben sicher gemacht/darüber vnversehens vberfallen vñ geschlagen / vnd also ein Mittel hette können getroffen werden/ mit verstärckung der Armada vnd zuthun anderer Potentaten / so wol inner als aufferhalb Germanien/den Exulirenten Pfalzgraffen perfortza nit allein wider ein zusehen/ sondern auch bey solcher Gelegenheit die Catholische Stände vnnnd Stifftte dapffer heimzusehen / vnnnd vnser gemachte Scharffen redlich wider außzusehen.

Habe doch von newens angefangen liebliche Träum zu haben.

Vnd solches vmb so viel desto mehr / dieweil Königl. May. zu Dennemarck für sich allein nit ein solch groß Werck fürgenommen/sondern dessenwegen in eine starke Confæderation sich eingelassen/ (wiewol es nur heimlich hat sollen seyn / vnnnd wir es nie geständig gewesen) mit dem Könige zu Groß Britannien/vnserm aufferhalb Teutsches Landes in der Religion höchsten Trost vnnnd mächtigsten Defensoren / so den auch mit dem König zu Schweden/vnd vber dz noch mit dem Sighafftigen/vnd von den Papisten vbelgeföchteten Fürsten in Siebenbürgen/Bethlehem Gabor genant/vnd männiglichem wol bekande.

Confæderation mit anderen außländischen Potentaten.

Zugeschweigen der Großmächtigen / Hochvermögenden Die groß
A 3 Herren

prachtig
vnd hoch
mütigen
Herren
Staden.

Herren General Staden im Niderlande/ vnnnd des in allen Win-
ckeln des Erdbodens beschriebenen Kriegs-Helden/ Graff Ern-
stens zu Mansfeldt/ welche allerseits ergeben vnd wol affectionirt
mit den Catholischen das Exinanite zuspielen / vnd vnserm verlor-
nen Wolstande auff vorigen alten Fuß wider zurichten.

Der Kö-
nig zu
Franck-
reich nicht
recht dran
gewolt.

Mit der Cron Franckreich hats vns zwar gefehlet/wissen nie-
wers mag verhindert haben/ seynd aber gleichwol dannen hero vil
nuzliche Officia vnserm gemeinen Wesen zu gute / in Saphoien
vñ Genueser Gebiete die Spanische Macht damit zu molestiren/
vnnnd von vns abzuhalten hin vnd wider verrichtet worden.

Was den
Caluinistē
an den Lu-
theranern
bisher wol
gefallen.

Wir hatten vns nichts gewissers in Sinn gezogen / als es
wurde nu gehen vnd vmb ein kurze Zeit zuthun seyn/ das wir wi-
der oben schwebenden/vnd den Päpstischen zum Häupten könten
gewachsen seyn/liessens vns auch trefflich wol gefallen / dz ihr vnd
die ewrigen hindann gefast die Controuersien vnd Streitigkeitē/
“ die wir vber den Glaubens sachen mit einander gehabt / vnnnd wol
“ bis ans Ende der Welt zusammen behalten werden/so fein simpel
“ vnd schlechlich euch die vnserigen / die wir bey vnd vnter euch/ an
“ Fürstlichen Höffen/vnnnd in der Städte bestallung wissen/allezeit
“ mehr vns als den ewrigen in der Religion zugethan / liesset berede/
“ als suchten die Papisten vnnnd Kayserischen vertilgung der Evans-
“ gelischen Lehr/vnd die Einnemung deren bis hero von euch posses-
“ sionirter Stifftē vnd geistliche Güter. Vnd war vns zumal er-
“ frewlich zuerfahren/das nit allein ihr im nider Sächsischen Kreiß
“ meistentheils/wenig außgenommen/sondern auch andere/sonder-
“ lich in den Reichs Stätten/vnd bey Volkreichen Communen/ zu
“ geschweigen vieler derer / vnder dem Prinzen vnnnd hohen Potens-
“ taten wohnhafftig. Der doch dem Kayser vnnnd Papisten grosse
Dienste erzeiget/auch noch nichts wider dieselben thun lässt/euch
so fein dazu hattet lassen disponiren/das ihr vns zugefallen/vnnnd
gleich als auß vnserm Munde diß Werck für ein Religions Krieg
aufgeben helffet/auch von ewren eignen Prædicanten zum Theil
dazu angewissen werdet/nit gedencket / wie mancher Feinds griff
in

Die Lu-
therischen
seind bere-
det dieser
Krieg be-
treffe die
Religion.

in vorigen Jahren ewren Kirchen vnd Religions Übungen/nach
der Rehlen von den vnserigen ist geschehen / vnd noch weiter kan
geschehen/wann die Läuften vnd Zeiten besser werden.

Aber gut für vns ist/das ewere Gelehrten/ weiß nit auß w^z
anlaß/ein solches haben vergessen / vnd vns damit eine feine Thür
geöffnet/in ewere Kirchen mit der Zeit desto besser einzuschleichen/
vnd vnter dem Deckmandel eines frommen efferigen Politici al-
lerley Vnrath zu stifften / euch auch in ein solchen Labyrinth zu-
führen/darauß ihr mit ganser Haut nicht leicht wider entwerd en
solt.

Vnd son-
derlich ein
theil ihrer
Prædica-
ten.

Dasselbe verhoffe bonum publicum / damit wir wider zum
Handel kommen / vnd vnser Leids ein Theil entdeck en/hat sich
nu gleichwol bey vnser Cassa nit wollen finden / sondern haben mit
schmerzen müssen erfahren/ auch ohne perspectiv können sehen/
das durch solch beginnen/ wie heimlich vnd flüglich solches auch
fürgenommen worden/vns weniger dann nichts gefrommet / vn-
sere böse Sache auch von Tag zu Tag nur ärger vnd bawfälliger
worden/ zu deme auch euch Lutherischen vber vñ wider verhoffen/
vmb vnser willen grausame Landsverderbung zugestanden / in
solcher gestalt/das ihr auff dem ewrigen/an statt des lieben werten
Friedens / der euch von den Catholischē mehr dan einest gnugsam
entgegē getragen/vñ angebothen worden/nunmehr ein lange Zeit

Das ver-
hoffte bo-
num publi-
cum den
Calumnistē
ausßen blie-
ben.

Vnd den
Luthera-
nen gros-
ser Schad-
zugestan-
den.

vier mächtige vnd starcke Armeen/deren fast jede genug-
sam gewesen were/vnser gemeins Vatterlandt Teutscher
Nation/ für feindseligen Einfall des Türcken / nechst Göttlicher
Hülffe zuverwahren/bisshier habe müssen ertragen/alimentiren
vnd dulden/nit one verwunderung vieler außländischer mit Dis-
cretion begabter Personen/ so da nicht gemeinet das ihr zu einem
solchen Unglück so liederlich euch soltet haben bereden lassen/son-
dern vielmehr zurucke haben gedacht / wiewol ihr vnd ewere Vore-
fahren euch dabey befunden in verlauffenen Zeiten / da ihr dem
Kaysen vnd Reich getrew verblieben / vnd zu gefehrlichen Fürha-
ben

Vier Ar-
maden auf
der Luthere-
rischen
Grunde
vnd Bodē
im Reich-

Die Lute-
rische wer-
den mit
vnd neben
den Calui-
nisten ver-
derbt.

ben euch nit habe verleiten lassen. Doch geschehen ist geschehen/vnd ob wir schon an vnserm Orthe gar schlechten Profit davon haben. Dann was kan für gewinst darbey seyn/wann man so muthwillig wider den Stachel lecket / vnd Gottes Ordnung/ als den der Keyser ist / wieder strebet. So ist vns doch dieses erfrewlich/wissen nicht auß welches Geistes Eingebung / daß ihr durch solch Mittel/vnd der vnserigen Verführung eben so wenig behaltet/als wir eine Zeitlang bisher gehabt/ vñ nicht also für frey dörfset außgehē/ wie sonstē würe geschehen/wañ guter Rath / daran es euch nit gemangelt/ bey euch hette statt können finden/ solte aber bey vns schele Augen gegeben haben/wie es auch noch gibt wegē derer/ die nit gleich wie wir vnd jr/ zu Grundt seynd verderbet/ vnd solches nechst Gott ihren Sanioribus consiliis / die sie ergriffen/sonderlich zu dancken haben.

Die Dr-
sach warüb
es also
gangen.

Unacht-
samkeit o-
der vielmer
Zagheit
der Calui-
nisten.

Wie es nu disfalls ist ergangen/ das haben wir vnd ihr nicht können erwehren / wie gerne wir auch gewolt hette / sondern es müssen lassen passieren/vnd keines Weges fürgreiffen dörfen der Göttlichen Allmacht / die solches verhengen hat ohne zweiffel zur Straffe vnser Falschheit/die wir in vorigen Zeiten an den Catholischen vielfaltig erwiesen / vnd euch auch dabey nit mit viel mehreren Trewen gemeinet haben. Auch kans wol seyn / daß vnser Nachlässigkeit/oder viel mehr Zagheit/gleicher Gestalt darzu hat geholffen/in dem wir Anfangs dieses Lermens den Päpstischen gar zu viel nachgesehen/ nit das Herz vnd den Muth gehabt / vnser Köpffe getrost dran zustrecken / sonderlich den Kauffmannischen Spinola am Rhein/oder vmb den Meyn dapffer zubegegnē/ oder den Altfüchsischen Tilli in Hessen das erste einquartiren zu erwehren. Dann wann dasselbe durch eine ernste geschöpffte Resolution were geschehen / stünde es verhoffentlich jesund weit bester vmb vns/vnd dörfte das vnter Fürstenthumb Hessen nicht so hoch drüber klagen / das es bis auff den eussersten Grad verderbet / vnd etliche Jahr bisher dermassen getruckt worden/ das zu verwundern/wie es so viel hat ertragen können/ vnd zu letzt an
derer

derer Gestalt davon mit liberirt worden/als mit eingelegtem grof-
sen Schimpff des Landes Fürsten/vnd vnserer Religion/ deren er
mit den seinigen für andern sehr zugethan ist.

Doch ist vns dabey noch immerdar die Hoffnung blieben/
solte der Windt von Witternacht ein wenig anders sauffen / vnd
der Catholischen Glück vmb etwas sich verendern / so könnte man
auch die getroffene Capitulation gedachtes Fürstenthumb belanz-
gandt in ein andere Form giessen/ vnd gestalten Sachen nach den
Catholischen die Fengen weisen.

Warauff
sie gehofft.

Aber was sollen wir sagen / vnd mit was für Wortten köns-
nen wir beklagen das schreckliche grosse Unglück / so vnlangsten
wider mit zugeschlagen/ vnd sich angehaben hat mit beschießung
vnd gewaltsamer Eroberung der Statt Münden / deren Ein-
wohner vnd Burger schaffte auch nit anders gewust / oder sich bes-
reden lassen / als were vnserer Sach noch einest so gut / vnd die
Macht der Adherenten so groß/ daß man dem Feinde ehestes Tas-
ges dafür wurde können Füsse machen. Wie es aber den guten
Leuthen drüber ergangen/ vnd wie trawrige Pfingsten sie drüber
bekommen / auch fast alle mit dem Leben bezahlen müssen/ vnd
nach ihrem Todte auff dem ihrigen nicht raum zum Begreiffnis
ihrer ertödteten vnd zumehelten Körper haben finden können/
sondern auff dem Weserstrom hinunder geschickt seyn worden/
daß weiß jedermann / vnd dörffen sich wol Klüglinge finden/ die
vns die Schuld dessen wolten zulegen / da es doch ihr guter wille/
vnd ewre grosse Verwarlosung gewesen. Ihr wille / daß sie so
vnbedachtsam alles auff die eusserste Spitze gefast / vnd keinen
ehrlichen Accord annemen wollen. Ewere Verwarlosung aber/
daß ihr nie besser acht / auff ihre Entsetzung gehabt/ oder sie zu
rechter Zeit für so grausamen Schaden habe gewarnt.

Welches
sehr aber
vmbgeschla-
gen.
Mit Män-
den.

Was dar auff weiter mit Göttingen ist für gelauffen / vnd
wie schlechtlich man abermals des Orts vnserer gemeine Wohl-
fahrt/ so wol auch König. May. zu Dännemarc Reputation hat
bedacht/ daß wird sich so bald nicht vergessen noch außleschen las-
sen.

Mit Göt-
tingen.

B

Ein

Was man
auff Göttingen
für ein
datum ge-
sagt.

Ein mal für alles waren wir dessen gewiß in vnseren Ges-
danken / es würde allhier der Bāyerische General (den das wir
ihn den Keyserlichen nennen sollen / achten wir vns noch zu hoch
darzu) eben recht ankommen / vnd ihm gehen / wie für 38. Jahren
dem Duca de Parma / vnd nur newlich für 4. Jahren dem Mars-
quis Spinola für Bergen ob Som / oder wol gar wie für alters
dem Holoferni für Bethulia den das Herz dazu machte vns die
Burgerschaft darinnen / alle sehr gut Dānnemārkisch vnd
consequenter vnserer Wohlfart Brūderlichen zugethan / des
gleich die inligende Guarnison vnter dem Obristen Limbach /
mit vns wol stehend / vnd zu dem auch die Herren Prædicanten /
mit grossem Effer das ganze Werck der verwegerden öffnung
vnd Partion zum Religions Handel zihende / vnd Mānniglich
zur Beständigkeit vermahnende.

Hat gefeh-
let.

Es ist aber auch viel anders außgeschlagen / vnd zu denen
wir vns so viel haben versehen / die haben sich schlechtlich gehal-
ten / vnd ohne Sturm ja ohne geschossene vnd gemachte rechte
Pressen sich all zu zeitlich ergeben / nicht erwartend der gewis-
sen Entsetzung von der Königlichen Armada / so doch allberei-
t ihnen nahe gewesen. Vnd ist vns also gewissen worden / daß
diejenigen bisweilen auch den Hasen bey sich im Busen tragen /
die sich zu vorn / ehe die rechte Gefahr angehet / so feck vnd
männlich stellen. Biewol wir sonst vnter vns derselben Hasen
Auffzüge auch gewohnet seyn / vnd nicht zum Ersten male diese
Dinge erfahren müssen.

Vnd ist da-
neben mehr
mit für ge-
lauffen / dz
mit gut für
die Calni-
yisten.

Was mitler weile vnd eher sich Göttingen auffgeben /
mit einem kleinen gereusch für vber gangen / ob schon die beyden
Obristen Leo Freytag / vnd Conradt Nelle etliche hundert
Pferde drüber eingebüßet / vnd selbst mit zu furk kommen / so
haben wirs doch nicht von grosser important geachtet / viel we-
niger für ein præsagium vnd Vortrab künfftiges Unheils wol-
len erkennen / sondern vnter vns vnd bey denen vns wolgewoge-
nem

nen es nur stracks geleugnet / oder zum wenigsten also nider ges
schlagen/das es vielen vnglaublich fürkommen.

Da aber darauff vnd des nechsten Sontags nach Auffges
bung der Statt Göttingen sich die seine Gelegenheit den vnseri
gen an präsentirt/das ihr Vortrab die Tillischen oberfallen/vnd
dem Kronbergischen Regiment zimlich nah auff den Nacken kom
men: Wiewol es ein herzlich Thun für vns vnd vnserm gansen
statum were gewesen/wan man mit ganser Nacht hette nach ges
setzt/vnd sich des guten Anblicks weiter gebraucht: Ey wunder
vber wunder/wie haben wir vns doch dessen gefrewet / das vnser
Elephandt/einmal hette eine Mücke gefangen / vnd von Gegens
theil etwas mehr dann 100. Mann erlegt / aber gleichwol kein
Cornet daruon getragen. Wie haben wir dauon weit vnd breit
Avisen vnd Zeitungen außgeschickt / vnd damit grosses Prolo
cken angerichtet / nicht allein bey vnd vnter der vnserigen / son
dern auch bey den ewrigen/ da sich dann manlich ehrlich Mann
gefunden/ der zuuerstehen gegeben/das es lieber vns vnd den vn
serigen/als dem Kayser vñ Daptschen Anhangen die Victoriam
gönne.

Doch hat diese Frewde auch nicht lange gewehret/ sondern
wie es im Spiel pfleget zuzugehen / da einer bald diese / ein ander
die andere vnd dritte Laß sticht/also nur acht Tage hernacher / da
gleichwol mitler zeit die Könischen den Weg auff das Eichsfelde
zimlich hatten gelernet / vnd den selben Catholischen die Hosen
gar wolten stinckende werden / müssen wir wieder des Vnglücks
ein Theil vber vns nehmen vnd erfahren / das an einem Mor
gen abermal das Könische Vold den Kurhern gezogen / vnd
eine gute Anzahl der ihrigen im Stich hatten gelassen / war aber
vns ein zimlicher starcker Trost / das vnserer liebe Beyständige /
vnd neben denselben auch die ewrigen / die an vnsern bis herich
ten beginnen so ein gut gefallen getragen/solches nit glauben wol
ten/sondern fast zornig außsahen/vnd vbel zusprachen denen die
es für geschehen außbreiteten/vñ dessen genugsam grundt hatten.

W 1 - Jesse

Von einẽ
kleinẽ gläse
groß ge
schrey.

Frewde vñ
ber den ver
lust einer
hand vol
Leute der
Catholische

Hat nit
lange ge
wehret.

Ist gesche
hen den 24.
24. Augus
ti vmb G
elshausen.

Wan vnd
wie sich dz
nechste
grosse Hertz
lend gefun-
du.

Jetzt gedachtes ist noch alles leidlich vnd doch von grossen
Abbruch den vnserigen gewesen: Aber das es Gotte sey geklagt/
vnd ja das letzte mahl/da es vnsern Defensorn vnd ewres ruhigen
Wohlstandes Perturbatorn also gehet / der nechstfolgende Don-
nerstag/als der 27.17. Augusti/ist vns zumal schrecklich worden/all
dieweil sichs drauff begeben/ das die Königsche Armee/ darauff
wir bisher so sehr getrozt vnd gebochet / am hellen liechten Tage/
in ihrem Vorthell legendt/ doch nicht mit der fleissigen auffficht
vnd bestalten Wache / wiewol von nöthen gewesen/ vnd in bey
seyn Königlicher Manestet selbstn / vnuersehens oberfallen/ ges
trennet vnd zur schlagen worden / der gestalt das fünff Regiment
zu Fuß allerding drauff gangen/ vnd dahinden blieben seyn / des
sen zum Zeugnuß auch in die fünffzig Fahnen in Feindes Hände
kommen/sampt allem Geschüs vnd Munition/vnd welches noch
fast ärger als dieses/das so viel Obristen / vnd hohe Officirer das
zu gefangen worden/ohne was Todt blieben / vnd neben Landts
graff Philipfen/so wol auch dem Obristen Fuchsen vnser wegen
hat bezahlen müssen.

Fünffferley
grosse Mi-
derlagen
organen.

- 1.
- 2.
- 3.
- 4.
- 5.

Ach wo wolten wir Wassers genugsam nehmen auß vnsern
Häupte/ zubeweinen diese grosse Niderlag / oder viel mehr damit
abzuwaschen die grosse Schande / die wir damit haben eingelegt/
vnd nunmehr zum fünfften mahl so viel verlohren. Als erstlich
für Prag auff dem weissen Berge / die mit vnrecht an vns ge-
bracht Cron Böhmen/ Darnach für Wimpffen am Neckar das
Gelt vnd so eine vornehme Artoloren. Zum dritten vnd Franck-
fort bey Höchst die feisten Beuten in den Catholischen Stifften
geraubt. Ferner vnd zum vierten in Westphalen bey Stadt Loo
alle Ehre vnd guten Namen. Vnd nunmehr zum fünfften bey
Lautern (so vns aber trübe genugsam worden) sampt der Repu-
tation der Königlichen Manestat zu Dännemarck alle Hoffnung
wider auff zu kommen. Ist es doch den Römern so arg mit gan-
gen in dem grossen Kriege wieder Hannibalem: Den sie doch
nur mit dreyen Hauptschlachten gegen ihm seynd vnten gelegen:

Wir



Wir aber / sampt vnserm Helffern vnd Helffs Helffern haben
fünffmal müssen das Unglück im Kriege leiden / ohne was sonst
hin vnd wieder vorgelauffen / darüber wir manchen ehrlichen Ges
sellen verzohlet haben.

Nu können wir vns leicht einbilden / was ihr an ewrem Dr
te daran dencket ist euch auch hingegen nicht schwer zuerzathen /
wie vns bey so gestalten Sachen müsse vns Herr seyn? nemb
lich zugedencken habet ihr / daß wir sehr klein laut drüber seynd
worden / vnd den Wuth sehr haben lassen sincken / wiewol wirs nie
gerne gestehen / dieweil wir doch sehen das kein Glück bey vnsern
Anschlägen seyn wil. Von euch aber haben wir zu mutmassen /
es werde euch der Handel gerewen / daß ihr vnserm heimlichen gu
ten Freunden / vnd bestalten / die ihr mitten vnter euch habt an
Fürsten Höffen / vnd bey den Städten in den Regimenten / vnd
sie doch nit mercket / so viel glaubens gegeben / vñ euch so vbel habt
anführen lassen. Wir befahren vns auch gar sehr / solte der
Churfürst zu Sachsen / oder der gleichen Potentaten / die es noch
gut mit dem Reich / wie dan auch mit euch meyne / sich wider inter
poniren vnd wie zuuor n mehr geschehen / das jenige euch rathen /
was zu ewer Wohlfarth dienet / ihr dorfftet nu mehr mit grossem
Danck annehmen / vnd vns aller ding abfällig werden. Da
standen wir den wie die verlassenen / vnd wurde an statt vnser Cal
uinischen Karns sich nicht so leichtlich ein Wagen auffrichten
lassen.

Solchem nu in etwas abzuhelffen thut im also / lieben Brä
der / wie er den zuuor n allbereit in etlichen habt gethan / vnd dassel
be von vns gelehret. Schändet vnd lästert zuörderst alle die
so auß den ewrigen Mittel dem Keyser vnd dem Catholischen / wo
nicht in allen / doch in diesem recht geben / daß ihre Kriegs volfüh
rung anders nichts sey / als eine abgenötigte Defension / seyden
nur frisch mit schmähen / vnd folget vnserm Gebrauch getrost
nach / titulirt vnd nennet sie Verräther vnd Feinde der Evange
lischen teutschen Freyheit / halbe Papisten / abgefallene Mammes
lucken /

Beider
seits geden
cken hien
von.

Interposi
tion mit
Danck an
zunehmen

Caluini
scher Rath
diesen vor
zukommē.

Gewonll
ches tranck
gelt gushee
ziger Pa
trioten beg
diesen han
del.

lücken/ Spanicilofirte Luthrischen / vnd was dergleichen mehr
ist/ damit ihr ihnen könnet weh thun.

Calumnia-
re audacter
semper ali-
quid hget.

Den ob es schon nit wahr ist/ vnd dieselben es mit euch vnd
den ewrigen viel besser meinen / als vns jemals in Sinn ist kom-
men/ vnser Humor es auch nicht zu lasset / daß wir ewre Wohls-
fahre vnd Beförderung herzlich gerne sehen solten/ dieweil wir
selbst nur alleine/ wie das Fette begeren oben zuschwimmen : So
könnet ihr ihnen doch grösserm Schandstreck recht anhängen /
dem gemeinen Pöfel auch keine bessere Materiam ins Maul ges-
ben/ von ihren eignen verständigen Leuthen / vnd wol verdienten
Patrioten / ja wol von ihren eignen Landsfürsten / das Ubelste
zureden / vnd damit vnwissent vnser in grundt böse Sache zu
justificiren.

Den scha-
den vnder
zuschlagen/
vnd Gottes
straffen nit
erkennen/
ein gemei-
ne Arth.

Gläubtes aber nicht / lieben Brüder / das vnser Schade so
groß sey/ wie man ihn machet/ heisset viel mehr / die erlittene Nie-
derlage zum sersten vnterschlagen / vnd ob man sie schon nicht
gar kan leugnen / so schreibet vnd schreyet doch neben vns in die
weite Welt/ es sey verzahten Ding gewesen / vnd an einem vn-
gelegenen Orte geschehen/ da die Könische Armee sich nicht köns-
nen regen: So seynd auch der Keyserischen weit mehr blieben
als der Könischen / vnd bedeute ein schlechtes. Vnd obs wol
an deme / daß die Reutteren / so da meisten Thails davon kom-
men/ Sporenstreichs geritten vnd sich saluire / vnd näher Wolfs-
fenbüttel von den Keyserischen Convoirt werden / wie die Wind-
hunde dem Hasen thun/ so heisset doch mit vns vñ den vnserigen :
Vir fugiens denuo pugnabit : Ein Mann der da ist zum lauff-
fen gut/ zum andern Treffen auch hat ein Muth.

Viel vor-
nehme Leu-
te darüber
verlohren
worden.

Ob wir auch schon Fürnehme Leuthe / darüber einbüßen/
wie den bishero vber dieser Hake / vnd nur auff ewerem Nieders-
sächsischen Boden noch mit inner Jahres frist dieses geschehen /
daß wir haben zugesent Herkog Friderichen von Sachsen Altens-
burg/ den Obristen Michael Obertrauten / vnd in newigkeit
so

so viel/das wir vns schemen dasselbe zubekennen / so achten wirs
doch für einen herzlichem Ruhm/das es ist geschehen pro Lege &
Grege/ vnnnd gebühret dannen hero dem tapffern Helden/ vnnnd
muthigen Fürsten Herzog Christian dem Jungen zu Brauns-
schweig / vnnnd Lüneburgk / Christmiller Gedeckenus / wie
wol er nicht fürm Feinde / sondern in Ruhe / vnnnd auff seis-
nem Lager todes verbliehen / weit besser zur Grabschriefft der
Name vnnnd Titel / Vindex Libertatis Germanicæ, als für
alters Marckgraff Albrechten zu Brandenburgk / 2c. Sonst
der teutsche Alcibiades genant / wie sein Leichstein zu Pforck
heim außweisset. Den gemelter Marckgraff den Catholischen
noch nicht so sehr zugefasset / auch nicht so gar aller Pfaffen
Feindt gewesen / nicht so viel Jahres getrieben / als dieser
Herzog gethan. Wie wol einer so viel als der ander damit
gewonnen / vnnnd ihr Leben nicht hoch haben bringen können:
Ohne was sie ihren eigenen Vnderthanen damit haben ge-
schadet / vnnnd ihnen ein trawrige Gedechnuß hinterlasse-
sen.

Ja wann
die Sache
gut were.

Doch wie dem allen / so werdet ihr dieses Prinszen Lob
zuermehren / die weil er so embsich in vnserm Dienst ge-
wesen / keinen Fleiß sparen / ob schon nicht alles an ihm
löblich / vnnnd Christlich gewesen. In den Leichpredigten
ihme zu Ehren gehalten / kan wol was sonderliches gedacht /
vnnnd eingebracht werden / ist es anders nicht albereit gesche-
hen / vnnnd durch den Truck publicirt / das den Papisten auch
nach seinem Tode muß wehe thun / gleich wie sie sich seis-
ner bey Lebens Zeiten auch nicht groß zuerfrewen gehabt.

Wir wollen euch auch lieben Brüder / noch weiter ver-
mahnet haben zum treulichsten vnnnd fleissigsten / das ihr ja
beständig wollet fort fahren in dem jenigen / wie ihr bishero
vns zu gute / auch durch vnser Verführung / euch sehr gute
wol.

Neuer
Anschlag
den Calu-
nisten zu
gute.

Dem Kayser und den
Catholischen
lauer
nichts zu
glauben.

Zu keinen
Fried lust
zuhaben.

Von wem
der Reichs
Friede am
meisten ge-
halten wor-
den.

wol habet angelassen/vnd bewiesen in folgender massen. 1. Thut
ihm also/glaubt durchlaß nit dem Kayser vnd Catholischen Für-
sten/sampt ihrem Anhang/auch nit in Ciuilibus & Politicis ne-
gotiis/wie ihr sonsten schuldig seyd / vnd die weltliche Rätthe euch
lehren/ihr auch sonst vns Calvinisten / ja Juden vnd andern/ bis-
hero gerne habt geglaubet/da ihr doch mehr dann einmal von vns
seyd betrogen worden/vnd besser für euch were gewesen/wann ihr
vns niemals hettet so viel getrawet. Wisset aber auch darneben/
so lang ihr das thut/vnd in dem hoch schädlichen Mistrawen wi-
der die Catholischen Stände euch von den vnserigen lasset erhal-
ten/ haben wir nah gute Hoffnung wider auff zukommen / vnd
ewers Beystandes / wo nit öffentlich/ doch heimlich zugeniessen/
welches dann für vns das beste ist / vnd derwegen allhier zum er-
sten wirdt angezogen.

2. Wirdt euch gleich Fried angeboten vom Kayser / oder
dem Papstlichen / vnd durch Vnderhandlung etlicher / wie wol
wenig ewers Mittels Fürsten vnd Potentaten ein Vorschlag das
zu gethan/glaubt als den so wenig als in vorigen / ruffts eher auß
für ein Vntrew vnd Betrug werck / dabey die Catholischen nur
ihren Nutz suchen/vnd es nit redlich meynen / auch nit weiter habe-
ten/als bis sie ihre Gelegenheit ersehen.

Vnd ob es wol bisher sich anders außgewiesen / vnd viel ge-
dachte vnserige widerwertige auffs Reichs Boden genugsam has-
ben gehalten/vnd sich mehr vber vns als ihr vnd wir vns vber sie
zubeschweren gehabt: Jedoch lassets bey euch nit gelten / oder
euch recht informiren von denen die gute Wissenschaft drum
haben / leset auch selbst nicht den Pabareischen vertrag / ihr wür-
det sonst allzuviel finden / wie schlecht es vmb vns stehe/vnd ihr
auch nit in allen Dingen recht habet gethan. Ihr möchtet auch/
wen ihr dasselbe thetet / vnd in den Reichs Abschieden euch wol
umbschauetet / gegen die Papisten etwas gediegener vnd sanfter
mütiger / den vnserigen aber von newens auffschziger werden:
Welches Gott wolle verhüten.

3. Lasset

3. Lasset es sich ja etwan zimlich wol an / vnnnd wil sich zum leidlichen Frieden schicken / so behaltet doch das noch zum besten / vnnnd auß Rath der vnserigen bey vnnnd vnter euch stecken den kommen auffgetragen mit iniquis postulatis / wie allbereit in verlauffener Zeit zu Braunschweig geschehen / da man sich vnderstanden dem Keyser / so wol auch dessen Cammergericht ein mercklich Stuck der Jurisdiction zuensziehen / vber dem Punct / das alle differentien / so sich begeben möchten in Stifften vnnnd Geistlichen Collegien oder Capitulen / nicht dem Keyser zur Cognition / sondern ihnen den Inhabern selbst zu gütlichen Vergleich solten außgesetzt bleiben. Damit ihr dann recht habt bewiesen / als weret ihr Herzen des ganzen Teutschlandes / vnnnd stünde mit den Papisten dermassen / das sie nach ewer Pfeiffe müsten tanzen / vnnnd als die schwächsten seyn accommodiren / nach dem es die Zeit / vnnnd der Zustandt erfordert.

3.
Auff den Fall einer Friedshandlung vnbillige Dinge zubegeren.

4. Gesezt nu aber / vnnnd wie bisher allgnugsam beweißlich gemacht worden / das deme nicht also / vnnnd weder wir noch ihr so starck vnd mächtig seynd befunden worden / als wir vns gemacht haben / auch noch dazu von Tag zu Tag schwächer werden / so folget vns doch auch in deme / vnnnd lassets euch Niemandt bereden / das es so bawfellig vmb vnser vnnnd ewere Macht stehe / behaltet den vorigen Muth / ob wir vns schon nicht in vorigen Feddern befinden. Lassets vns auch nicht halten mit dem Atheniensischen klugen Demade / sondern mit seinem Widerpart Demosthene. Dann was jener dem Vatters landt gutes rieth / das verderbet dieser wieder / dieweil er gerne mit dem Kopffe hindurch fuhr / vnnnd es alles nach dem alten Model der Vorfahren machen wolte / die da gewaltig vnnnd glücklich waren gewesen: Dagegen aber Demades die grosse Vngleichheit wiffete vnnnd für gabe / die alten Vorfahren hatten mit ihrem starcken vnnnd ganken Schiffe gut segeln gehabt / sie aber als die Nach kommen konten mit der zerbrochenen Naven

4.
Sich stärker vnd mächtiger achten als man ist.

Demadis vnd Demosthenis widerwertige Rathschleuge bey den Athenien.

E

obel

vbel fore kommen / müssen nur daran flicken vnd besseren /
vnd sehen / wie sie das vbrige an ihrem Regiment erhiel-
ten.

Doch die-
net Dema-
dis rath nit
für die Cal-
uinsten.

Vnd hat es der Ausgang gewiesen / das Demades dersel-
ben Republick dñfals wol gerathen / Demosthenes aber ihr vols
lents zum Vntergang gedienet hette.

Solch Exempel dorffte euch auch wol frommen / vnd gut
für euch seyn / in Betrachtung daß so wol ihr als wir mit zurbros-
chenen Schiffe daher fahren / vnd mit vnserer Vorfahren Wol-
stande eine schlechte Vergleichung haben anzustellen : Aber vns
wurde wenig damit gerathen seyn. Damit heissen wirs euch nit /
daß ihr soltet zurück in die Historien gehen / oder sonst ver-
stendigen / vnd erfahren Leuthen zu sehr folgen. Es möchte
sonst zu bald Friede im Lande werden / damit dann vns wenig
gedienet ist / wann ihr vns anders wollet recht verstehen vnd
kennen lernen.

Friede im
Reich die-
net nit für
die Calui-
nisten.

Dann bey Friedens Zeiten nimbt vnser Religion nicht
groß zu / vnd im hellen klaren Wasser können wir nicht wol
grosse Fische fangen / sondern getrieht muß es zuvorn seyn /
vnd bund durch einander gehen in der Welt / darnach ist es
erst gut handeln für vns / vnd fangen sich dabey die schönen
Aehle / wie wol wir auch selbst gnugsam dafür bestehen / vnd
viel schlupffriger seyn als dieselben / der wegen man vns dann
auch nicht wol kan halten / man fasse vns auch wo man wolle /
es sey gleich in Religions Sachen / oder in wichtigen Politischen
Handlen.

Caluinisch
Aehle.

Doch achten wir vns doch gleichwol für höher vnd besser /
als euch Luthrische Stockfische oder Papstische Schleyen / die
nur in Schlam liegen / vnd anders nicht als für gemeine Leu-
the zur Speise dienen.

Seind bis-
her gestreif-
fet worden

Wir lassens vns aber nicht gefallen / das man vns bis-
hero so viel mats / gleich wie die Aehle gestreiffte / vnd die
Haut vber die Ohren gezogen hat / könnens in die länge nicht
mehr

mehr zukommen / müssen derwegen sehen / wie wir durch euch
als unsere Brüder / vnd dann neben eins / im Reich wieder
etwas anfangen / dadurch vns gefrommet / den Papisten aber
zum hefftigsten geschadet werde. Dazu dann Streitt vnd
Vneinigkeit wie gedacht / für vns am aller füglichsten ist / vnd
die Beyföge vns nicht vnbillig auff dem Halse liegt / soltet ihr
Luthrischen mit den Catholischen recht eins wider zusammen
werden / wie es in vorigen Zeiten gewesen / vnd zur Haltung
so wol des Religion als Prophean Friedens euch von newens zus
sammen verpflichten / dazu dann ein Theil ewrer politischen
Räthe / wiewol derselben nicht so gar viel seynd / ein Theil
auch der Theologen vnd Prædicanten vnter euch trewlich haben
gerathen / so stünde es vmb vns gar schlechtlich / vnd dorff
ten wol mit der Zeit gar müssen unsere Naster räumen / oder
von unserer Religion / vnd dero angehefften Præcicken gantz
lich abstehen. Behren vns derwegen noch zur Zeit so gut als
wir können / vnd versuchen billich alle Rencke / die wir nur er
dencken mögen / damit wir dessen vberhoben bleiben.

Der Pa
pisten vnd
Luthera
ner einikeit
den Calui
nisten nit
zuträglich.

Entlich vnd zum Beschluß / damit wir euch vnser Herk
vollendts gar entdecken / so haben wir euch auch diß zu noti
ficieren / daß ihr auch vmb vns nicht besser könnet verdienen
als wen ihr vns gleich werdet in diesen dreyn Stücken / derer
wir bisher zimlich gewohnet seyn blieben / vnd die da heissen

5.
Sich etli
cher stücke
besteißigen
die nicht
groß zulo
ben seyndt.

Lügen / Lügner / Lästern :

Damit ihr Niemandts schonen dorffet / er sey gleich wer es wol
le auß denen / die es nicht mit vns halten. Dann davon haben
wir guten Nutz / vnd lassen euch dagegen den Schaden sambt
einen bösen Gewissen / befindet sich als dann auch im Werck /
daß ihr Lutheraner nicht allzeit so klug seyd / wie ihr euch ma
chet / als ihr billich thun soltet.

Dann da ewere Geistlichen die Zuhörer solten erinnern /
das sie sich enthielten des Lästerns vnnnd Verläumbdens anderer
ehrlichen Leuthe / so thun sie es wol selber auß hirsigen vnnnd vn-
zeitigen Eiffer / vnnnd da den Regenten gebühret die Vnderthas-
nen sonderlich den gemeinen Pöfel in Zaum zuhalten / das sie
die hohen Häupter vnnnd wolverdiente Leuthe nicht schänden / so
seynd sie gerne die jenigen / die es am ersten vnnnd meisten
thun.

Beschluß.

Wie ihr euch nu in solchen Fall mit dergleichen
verhalten vmb vns sehr wol verdienet / vnnnd
zubeförderung vnserer in grunde nichts taugenden
Handlen ein grosses thut / als bedanken wir vns da-
für zum aller Brüderlichsten vnd freundlichsten / ver-
mahnen euch auch zu ferner Beständigkeit / mit an-
geheffter Bitte / diese vnsere an euch / theils gestellte
Klage / theils gerichtete Erinnerung / anders nicht
als zum guten gemeinet auffzunehmen vnd an vnserm
Besten weiter zusehn. Verschulden wirs ja nicht hin
wiedderumb / wie wirs dann schwerlich werden thun
können / vnser falsche Affection gegen euch es auch nit
zuleset / so haltet euch an die jenigen / vnder euch /
die da haben darzu gerathen / vnnnd lernet mit der
Zeit euch besser vorzusehen. Gehabt euch wol ihr
vnsere Brüder / die ihr darsüe von vns gehalten wer-
det / so lange als vns vbel gehet / vnd wir ewer Hülffe
bedörffen.

Gegeben

Gegeben des nehesten Tages nach der
Königischen Niederlage bey Lutra / war
der ^{28.}/_{18.} Augusti / Im Jahr nach des Herren
Christi Geburt 1626. vnserer gede-
mütigten Anschläge aber im Sechsten fast
zum Endt lauffenden.





Nd 472

ULB Halle 3
002 053 640


TA → 200

war Ausleihe → Retro

Nr. 12 fehlt

Nr. 12 ist im Sammelband


vorhanden!

30.X.1999

LD 77







B.I.G.

Farbkarte #13

Blue Cyan Green Yellow Red Magenta White 3/Color Black

15

Sendtbrieff die ischen.

ter Klag ober dem biß.
eselden erinnert werden / daß
der Dännemärckischen Armee
sondern noch das eusserst dran
besserung hoffen.

nich/
rheit sag ich/
ders nicht/
ast ein Bericht/
bißher hat verderbt/
luinistn geerbt.



er Bremen /
schen Krenses Boden.

s Herren /

2 7.

